



Pou Piblikasyon Imedya: 25/07/2023

GOUVÈNÈ KATHY HOCHUL

GOUVÈNÈ HOCHUL ANONSE NOUVO KONKOU #FindMeAtTheFair ATRAVÈ PWOGRAM TASTE NEW YORK LA

Konkou Pwomosyonèl la baze sou angajman Gouvènè Hochul te pran pou kwasans Fwa Konte yo gras ak pwogram amelyore, ak inisyativ maketin ak pwomosyon

Konkou a ankouraje manje ak bwason New York yo pandan 10èm anivèsè Pwogram Taste NY la

Gouvènè Kathy Hochul te anonse jodi a ke pwogram Taste NY la ap lanse yon nouvo opòtinite maketin pou selebre 10èm anivèsè pwogram Taste NY la, pwomouvwa konte New York ak fwa jèn yo, epi mete aksan sou manje, bwason, ak endistri agro-touristik Eta New York la. Konkou "Find Me at the Fair" (Rejwenn Mwne nan Fwa) 2023 a pral fè patisipan konte yo k ap patisipe gen yon chans pou yo genyen prim, tankou panye kado reyjonal Taste NY la ak plas VIP pou konsè nan Gran Fwa Eta New York (Great New York State Fair) la. Inisyativ sa a vini kòm yon pati nan angajman Gouvènè Hochul te pran pou ogmante maketin ak pwomosyon fwa konte eta a epi ogmante kolaborasyon ant fwa lokal yo ak Gran Fwa Eta New York la.

"Fwa Konte ak jèn yo kreye souvni pou tout lavi yo epi montre endistri agrikòl inik nan New York la", **Gouvènè Hochul te deklare**. "#FindMeAtTheFair se yon opòtinite inik pou fanmi yo ak zanmi yo genyen pri pandan y ap montre moman plezi yo nan konte New York ak fwa jèn yo. Mwen ankouraje tout moun pou yo patisipe nan konkou ane sa a epi eksperyans pi bon bagay agrikilti ak amizman atravè eta a."

Fwa Konte atravè eta a pral ofri yon estasyon sèlfì sou tèm Eta New York "Find Me at the Fair" kote moun ki prale nan fwa yo kapab rentèraji. Pou patisipe nan konkou a, moun ki prale nan fwa yo ka afiche yon sèlfì sou Facebook oswa Instagram lè yo sèvi avèk hashtag #FindMeAtTheFair. Yon kòd QR yo bay nan estasyon sèlfì a pral bay enstriksyon sou fason pou asire ke patisipan yo antre nan konkou **#FindMeAtTheFair** Taste Ny la.

Prim yo enkli dis panye kado reyjonal Taste NY la ki soti nan Mache Taste NY lokal yo - yon tiraj osò ki pral fèt pou chak reyjon. Yo dwe resevwa enskripsyon pou panye kado

yo anvan 24 septanm epi tiraj osò yo pral fèt 25 septanm. Y ap avize ganyan yo pa imel epi yo pral mande yo pran panye yo nan Sant Akèy rejyonal yo.

Anplis de sa, y ap tire osò de ganyan Grand Pri "Piknik ak Espektak" Taste NY la. Gran Pri a gen ladann yon panye piknik ki etabli pou de moun, ak plas VIP nan yon konsè sou chwa gayan an pou de moun nan Gran Fwa Eta New York la. Enskripsyon Gran Pri yo dwe fèt nan dat 16 out pou yo ka tire yo osò nan Gran Fwa Eta New York la 17 out. Yo pral avize ganyan VIP yo pa imèl ak enstriksyon sou fason pou yo pase pran pri yo.

Gran Fwa Eta New York la ap kòmanse mèkredi 23 out epi l ap kontinye jiska Jounen Travay (Labor Day) la, lendi 4 septanm. Seri Mizik Chevrolet genyen 48 ak anrejistremant nasyonal ki repati nan tout 13 jou a. Yo bay tout ak anrejistremant yo anonse jiskaprezan nan paj ki dedye a [Chevy Court](#) ak [Suburban Park](#) sou sitwèb Fwa a.

Komisè Agrikilti Eta New York la, Richard A. Ball, te deklare, "Fwa konte ak jèn yo se baz kiltirèl ak edikatif esansyèl isit la nan Eta New York. Yo ofri eksperyans anrichisan ak manje ki gen bon gou ki mete aksan sou tout sa ki bon nan agrikilti New York la, pandan y ap sèvi kòm yon pwen koneksyon enpòtan ant kominate riral, iben ak banlye nou yo. Nouvo opòtinité pwomosyon sa a ant Pwogram Taste NY nou an, Gran Fwa Eta New York la, ak fwa konte yo atravè eta a fèt pou ede fè plis moun soti pou yon bon jounen nan fwa lokal pa yo."

Konkou pwomosyon sa a vini nan kad angajman Gouvènè Hochul pran pou elaji maketin ak pwomosyon fwa konte yo. Nan kòmansman ane sa a, Eta a te lanse yon seri diskisyon tablewonn ak reprezantan fwa konte yo atravè New York. Sijè pou diskisyon tablewonn yo te gen ladann fason pou amelyore maketin ak pwomosyon fwa, plan pou amelyore konpetisyon agrikòl nan fwa, ki gen ladan fason pou ankorage ganyan fwa konte yo pou yo patisce nan Gran Fwa Eta New York la, ak lòt inisyativ, tankou planifikasyon kapital, jesyon ijans, ak komisyone yon etid sou enpak ekonomik ki ajou.

Anplis de [Gran Fwa Eta New York](#) la, New York gen plis pase 50 fwa konte ak jèn ki fonksyone depi jiye jiska mitan mwa septanm, ak Fwa Long Island ki fèmen sezon an. Fwa lokal yo bay vizitè yo plezi pou fanmi, bon mizik, ak manje ki gen bon gou. Yo ofri tou yon opòtinité inik pou aprann sou agrikilti lokal, ki gen ladan kote manje nou yo soti, ak fason yo grandi, rekòlte, ak vann bay piblik la. Dapre yon etid enpak ekonomik 2013, fwa Eta a jenere 6 milyon dola nan aktivite ekonomik ak plis pase 4,000 djòb nan New York chak ane. Gen yon lis pifò fwa konte atravè eta a ak dat yo ap fonksyone ki disponib [isit la](#).

Enfòmasyon sou Taste NY

Ane sa a, Pwogram Taste NY la ap selebre 10èm anivèsè li. Pandan dènye deseni an, pwogram nan te mete aksan sou kalite, divèsite, ak enpak ekonomik manje ak bwason ki grandi, pwodui oswa trete nan Eta New York. Nan 10 ane ki sot pase yo, Taste NY te kreye nouvo opòtinité ekonomik pou pwodiktè yo, yo te elaji lokal kote yo vann an

detay, ak fòje patenarya nan tout eta a. Pwogram nan te kenbe tou yon patenarya ki dire depi lontan ak Fwa Eta New York la, ki ofri opòtinite pou pwodiktè lokal yo montre machandiz yo bay yon pi gwo odyans pandan y ap pote kèk nan pi bon manje ak bwason New York gen pou ofri nan fwa a yo.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)